

Այժմ հասկանալի էր ինձ մղդսու ցանկությունը. նա կամենում էր շահուել իր «խեղճիցե, որպես իրան պատկանող սեփականությունից, եւ չէր ուզում վարձել վարդապետներից իր համար անօգտաւետ պայմաններով: Թողեալ այդ, ես մղդսի Թորոսի խօսքերի մէջ նկատում էի ոչ միայն բողոք դէպի վանական արքեղաների հարստահարությունը այլ մի դառն ատելութիւն դէպի նրանց սրբազան անձնաւորութիւնը, որը չպետք է լինէր առանց իրական պատճառների:

— Երեւում է, վարդապետները քեզ հետ այնքան լաւ չե՞ն, մղդսի Թորոս:

— Վարդապետներ... — կրկնեց նա խորհրդական ձայնով: — Ի՞նչ կ'ասես, եղբայր, դրանք մարդիկ չեն, իստակ սեւ սատանաներ են... Դրանք այն մղդսուն հաց կը տան, որ նրանց ամէն ասածին պատասխանէ՝ «հա»: Բայց մղդսի Թորոսը մէկ դրուստ մարդ է, նա չէ կարող վատ բանին «հա՛» ասել...

Առհասարակ ես նկատում էի, որ մարդիկ այն ժամանակ միայն ջերմեռանդ են դէպի վանքերը եւ վանական արքեղաները, երբ նրանցից հեռու են: Որի ընդհակառակն, ես տեսնում էի, ոոյ վանքերին մերձաւոր ժողովուրդը չափազանց զգոած էր նրանցից: Ի՞նչ էր դրա պատճառը, ես չգիտէի. միայն երեւում էր նրանց մէջ միևնույն անգամ թերահաւատութիւն այն սրբազան տեղերի մասին, որոնք նոյնիսկ եին ամէն մի հայի համար: Շատ անգամ մի գործարանի կառավարչի վատութեանը ծնուցանում է յաճախորդների մէջ ատելութիւն դէպի նոյնիսկ գործարանի հիմնարկութիւնը: Արդեօք այս օրինակը չէ՞ր վերաբերում եւ մեր արքեղաներին եւ մեր վանքերին:

Ես երեխայությունից ունէի փոքրիկ խորամտնկութիւն, սատանայի պէս մտնել մարդու դամարում, եւ որպէս ասում են, նրա ուղեղը թափ տալ: Լսելով մղդսի Թորոսի վերջին խօսքերը, թէ վարդապետները այն ժամանակ միայն վարձատրում են վանքի սպասաւորներին, երբ նրանց կամքին հլու ծառաներ են դառնում, որոնք նրանց իւրաքանչիւր խօսքին, որքան եւ վատ լինէր նա, կը պատասխանեն՝ «այո՛», — ես սկսեցի անելի հետաքրքիր լինել, թէ ի՞նչ էր պատճառ անել մղդսու դժգոհութեանը: Նա թէւ խիստ դժոարութեամբ, այտամենայնիւ պատմեց.

— Մենք երկու եղբայրներ էինք. իմ պստիկ եղբայրը պսակոեց, մի ամիս չանցաւ, մեռաւ: Նրա հարսը մնաց տանը այրի: Մէկ օր մեր Կարապետ հայր սուրբն ինձ կանչեց իր մօտ, ասաց՝ «մղդսի Թորոս, քո եղբօր կնիկը ի՞նչ կանէ տանը»: Ես պատասխանեցի, — հայր սուրբ, ծառայ եմ աջիդ, ի՞նչ պետք է անէ, իմ երեխեքին շորեր կը կարէ, կը կարկտէ, թոնիր կվառէ, հա՛, այդպէս տան բաներ կանէ: Իմ կնիկը հիւանդ է, իմ երեխեքը նա կպահէ: Վարդապետն ասաց. «այդ բաներից քեզ ի՞նչ խէր, դու քո եղբօր կնիկն ուղարկիր,